

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
Služba za upravljanje poljoprivredom,
vodoprivredom i komunalnim poslovima



Broj: 08-45-23/22-AP-177
Datum: 29. 9. 2022.. godine

Radio Zavidovići

Predmet: Obavijest, dostavlja se

U skladu sa Odlukom o uslovima i načinu držanja kućnih ljubimaca, načinu postupanja s napuštenim i izgubljenim životinjama na području grada Zavidovići, broj: 01-19-1792/21-AP-14 od 30.11.2021. godine (Službeni glasnik Općine Zavidovići broj:4/21), obavještavaju se imaoци životinja, odnosno kućnih ljubimaca, da su u skladu sa članom 18. ove Odluke dužni izvršiti registraciju. Registracija u smislu ovog člana, podrazumijeva obavezno označavanje mikročipom, upis u propisane evidencije, registar, izdavanje službene isprave o upisu, identifikaciji i registraciji pasa, vlasništvu te obaveznim mjerama zaštite zdravlja u skladu sa posebnim propisima. Troškove upisa obaveznog označavanja i izdavanja službenih isprava snosi vlasnik. U skladu sa članom 19. iste Odluke propisano je da je registracija obavezna i da:

(1) Imalac kućnog ljubimca je dužan registrirati životinju u roku od 7 (sedam) dana od dana prvog sticanja vlasništva u veterinarskoj organizaciji koja vodi registar životinja.

(2) Imalac kućnog ljubimca je dužan u roku od 7 (sedam) dana prijaviti otuđenje, uginuće u cilju utvrđivanja nestanka i smrti kućnog ljubimca, kao i svaku drugu promjenu o statusu životinje, rođenje (leglo), nadležnoj veterinarskoj organizaciji koja vodi Registar kućnih ljubimaca.

(3) Kućni ljubimci koji ne mijenjaju vlasnika obavezno se identifikuju nakon navršena tri mjeseca starosti, a najkasnije prilikom prvog cijepljenja protiv bjesnila.

(4) Registraciju cijepljenja vrši nadležna veterinarska organizacija.

(5) Imalac psa je dužan označiti psa markicom koju je dobio prilikom registracije.

(6) Imalac psa je dužan nadležnoj veterinarskoj organizaciji koja vodi upisnik (registar) pasa prijaviti uginuće psa radi utvrđivanja uzroka uginuća i ažuriranja baze podataka o registraciji životinja.

Nadzor nad provođenjem ove Odluke u skladu sa članom 27. vrše nadležni organi, svako iz svoga djelokruga rada; komunalni redar i komunalni inspektor Grada Zavidovići, u saradnji sa komunalnim inspektorom Zeničko-dobojskog kantona, veterinarska inspekcija Zeničko-dobojskog kantona, kao i pripadnici MUP-a Zeničko-dobojskog kantona, Policijska uprava Zavidovići, (ovlaštena lica).

Za svako nepostupanje u skladu sa ovom Odlukom predviđene su novčane kazne prema članu 29. Odluke.

Obzirom da je rok za postupanje prema ovoj Odluci protekao, pozivaju se još jednom imaoći kućnih ljubimaca da u što kraćem roku postupe u skladu sa istom i izvrše svoje obaveze kako ne bi bili novčano sankcionisani, obzirom da će u narednom periodu biti pojačana kontrola i nadzor nad provođenjem ove Odluke.

Dostavljeno:

1. Naslovu,
2. U spis.

KOMUNALNI INSPEKTOR

Ćosić Almir dipl.pravnik